

# 釋 牢

胡 厚 宣

武丁時關於祭祀用牲之卜辭中，有成語曰『牢虫一牛』：

(辭1) 甲申卜，貞羽(翌)乙酉虫于且(祖)乙，牢虫一牛，虫吉(蠶)，

(前 1,10,2)(註一)

(2) 貞羌三人，卯牢虫一牛。(粹 557)

(3) 貞牢虫一牛。(前 5,11,8)

此成語自廩辛康丁以後，所見益多，而皆變爲『牢又一牛』：

(4) □□卜，召(曷)且乙牢又一牛。(粹 244)

(5) 𠂇(妣)庚召牢又一牛，国受又(祐)。(佚 251)

(6) 貞重牢又一牛。用。大吉。(院 2035)

(7) 貞牢又一牛。(院 2012)

此廩辛康丁時卜辭也。

(8) 卯牢又一牛，王受又。(佚 201)

此武乙文丁時卜辭也。

(9) □羌□人，鬯一卣，卯牢又一牛。

(10) 其牢又一牛。

(11) 其牢又一牛。

(12) 其牢又二臣。 (庫 1898)(註二)

(註一) 本文徵引卜辭所用之符號，及出處簡稱，俱仿拙著釋象用絲御一文，刊本叢刊八本四分。

(註二) 庫方二氏藏甲骨卜辭一八九八片，以下仿此。

- (13) 其牢又一牛。 爻(茲)用。
- (14) 其牢又一牛。 (續 2,24,2)
- (15) 其牢又一牛。
- (16) 其牢又一牛。 (前 5,89,3)
- (17) 其牢又一牛。
- (18) 其牢又一牛。 (甲 2,16,7)
- (19) 圜牢又一牛。
- (20) 其牢又一牛。 (後下 5,4)
- (21) 其牢又一牛。
- (22) 圜牢又一牛。 (契 349)
- (23) 其牢又一牛。 爻用。 (契 350)
- (24) 其牢又一牛。 (契 348)
- (25) 圜牢又一牛。 (契 385)
- (26) 其牢又一牛。 (契 361)
- (27) 其牢又一牛。 (庫 1390)
- (28) 圜牢又一牛。 (粹 545)
- (29) 其牢又一牛。 (粹 560)
- (30) 圜牢又一牛。 (續 2,25,3)

此帝乙帝辛時卜辭也。 此外亦言『大牢一牛』。

- (31) 乙亥，貞又<sup>彳</sup>歲于且乙，大牢一牛。 (院 806)

此廩辛康丁時卜辭也。 又言『一牢一牛』：

- (32) 一牢一牛。 (粹 565)

此武乙文丁時卜辭也。

『牢』卽一牢，此由成語言『牢又一牛』，又言『一牢一牛』可證。 『牢出一牛』卽『牢又一牛』，『出』之義在此與『又』同，他辭言『旬出二日』(註三)，『九

(註三) 藏 1,5,3。

旬牢一日』（註四）『俘人十牢五人……俘人十牢六人』（註五），『牢（有）往芻自益，十人牢二』（註六），『牢（禽）鹿五十牢六』（註七），『牢二百牢九』（註八），皆其例也。『大牢一牛』與『一牢一牛』，其『又』字皆省。言『大牢』者，與『牢』同。蓋卜辭通例：牛稱『牢』，又稱『大牢』；羊稱『宰』，又稱『小宰』。『牢』上不必盡冠以『大』字，而凡戴有『大』字者，必作『牢』（註九）；『宰』上不必盡冠以『小』字，而凡戴有『小』字者，必作『宰』，與大戴記『牛曰大牢，羊曰少牢』之說合。知『牢』『宰』有別，而『牢』與『大牢』皆謂牛，義實不異。故『牢一牛』，『牢又一牛』，『大牢一牛』，『一牢一牛』，皆謂一牢另一牛也。

『牢』字舊注或以爲牛羊豕：

周禮天官宰夫：『以牢禮之灋』。鄭注：『三牲牛羊豕具爲一牢』。

國語周語：『饋九牢』。韋注：『牛羊豕爲一牢』。

又齊語：『環山於有牢』。韋注：『牢，牛羊豕也』。

或以爲羊豕：

儀禮少牢饋食禮：『佐食上利升牢』。鄭注：『牢，羊豕也』。

又：『佐食取牢』。鄭注：『牢，羊豕也』。

或以牛羊豕爲大牢：

山海經西山經：『大牢』。郭注：『牛羊豕爲大牢』。

呂氏春秋仲夏紀：『以大牢祀于高禩』。高注：『三牲具曰大牢』。

淮南子脩務訓：『如饗大牢』。高注：『三牲具曰大牢』。

今案其說皆秦漢以來之禮制，非朔義也。

卜辭言『牢又一牛』，絕無言『牢又一羊』或『牢又一豕』者，則『牢』者必只爲牛也可知。且卜辭言『牢又一牛』，又言『大牢一牛』，『牢』與『大牢』之義

(註四) 繢 5,32,2。

(註五) 菁 5,1。

(註六) 菁 3,1。

(註七) 前 4,8,1。

(註八) 前 4,4,2。

(註九) 卜辭中間有作『大宰』者，僅藏 176,3 及佚 308 二列，乃字之誤也。看拙著卜辭雜例誤字例，刊本集刊八本三分。

同，字從牛，舊籍謂『牛曰大牢』，亦可證其必爲牛之專稱。

又卜辭只言『牢又一牛』，絕無言『牢又二牛』者，則『牢』者決不能過於二牛。又卜辭特言『牢又一牛』，而不稱之爲『二牢』或『二牛』，則『牢』者亦決不能卽爲一牛。國語晉語曰：『子爲我具特羊之饗』。韋注曰：

凡牲一爲特，二爲牢。

以二牲爲『牢』，於卜辭最可通。疑其說必有依據而言者。卜辭中卜用牲之以次遞增者，或『牢』與『牢又一牛』並舉：

(33) 癸巳，于渢杏牢。

牢又一牛。（佚 167）

此廩辛康丁時卜辭。

(34) 丙子卜，貞武丁固其圉。一

其牢又一牛。二

(35) 癸卯卜，貞□□固圉牢。一

其牢又一牛。茲用。二

(36) 甲辰卜，貞□□宗日圉牢。茲圉。一

其牢又一牛。二

(37) □□卜，貞□□日其圉。一

其牢又一牛。二

(38) 癸巳卜，貞且甲日其牢。一

其牢又一牛。二

(39) 甲午卜，貞□□宗日其牢。一

其牢又一牛。茲用。二

(40) □□卜，貞□丁日圉牢。茲用。一

其牢又一牛。二（通 64）

(41) 其牢。

其牢又一牛。（契 360）

此帝乙帝辛時卜辭。『牢』卽二牛，『牢又一牛』卽三牛也。或『牢一牛』與『二

牢」並舉：

(42) 牢一牛。

二牢。 (粹 567)

此武乙文丁時卜辭。『牢一牛』卽三牛，『二牢』卽四牛也。或『牛』，『牢』，『牢又一牛』，『二牢』並舉：

(43) 七癸歲，貞牛。

牢。

牢又一牛。

二牢。 大吉。 (明義士藏) (註一〇)

此亦武乙文丁時卜辭。『歲』，祭名，『貞』爲用牲之法，義爲斷首，『貞牲』與『伐人』之『伐』略同(註一一)。此卜歲祭於妣癸，貞牲，用牛乎？用牢乎？用牢又一牛乎？用二牢乎？及得兆之後，惟『二牢』爲大吉，或卽從而用之(註一二)。其牲數亦以次遞增，而『牛』卽一牛，『牢』卽二牛，『牢又一牛』卽三牛，『二牢』卽四牛也。凡此皆可證『牢』之必爲二牛，而韋氏『二爲牢』之說爲不誤。

然武乙文丁時卜辭又曰：

(44) 其彝新鬯二牛用，卯。

貞牢用。 (粹 910)

以『牢』與『二牛』對舉，則兩者仍當有別。疑『牢』者當專指一牡牛與一牝牛而言，故與普通之二牛異也。

據余所統計，卜辭中以牛祭者，十牛以上，或十五牛，或廿牛，或卅牛，卅三牛，或卅牛。或五十牛，或百牛，或三百牛，或四百牛。最多者或至五百牛。以牢祭者，十牢以上，或十五牢，或廿牢，或卅牢，或五十牢，或五十五牢，或百牢，最多者或至三百牢(註一三)。以『二爲牢』之例推之，則『三百牢』者當爲六百

(註一〇) 據董彥堂先生摹寫本。

(註一一) 看余永梁殷虛文字續考，刊清華研究院國學論叢一卷四號。又吳其昌殷虛書契解詁第三七片，武漢大學文哲季刊三卷四號六四七頁。

(註一二) 看拙著釋茲用茲御。

(註一三) 詳另文。

釋 牢

牛，殷人祭祖，至於用牛六百，此其規模，已良可觀矣。

二十六年十月作於長沙，二十七年九月二十日鈔於昆明。